



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Henrici Walpoli natales & educatio, nu. 33.

urn:nbn:de:hbz:466:1-38320

Superiorē haberem qui tanquam Superior diceret manendū, reijcerem Angelum, & sequerer iudicium Superioris: Idq[ue] ie iterum iterumque confirmo. Ad tentationem autem huiusmodi reprimendam, consilium optimum existimō, hunc diem præ oculis habere in quo firmissimis rationibus animoque rectissime constituto hoc decreui; optimum scilicet mihi esse, atque omnino necessarium vivere & mori in Societate Iesu. Sic statuo, omnia hæc ceteraque quæcumque proposita, intelligendo iuxta eiusdem Societatis constitutiones. Quanto autem flagrabit patiënti desiderio, quamque accuratè le ad alpera quæcumque subeunda parauerit, præter ea quæ commemorata sunt, ista demonstrant. "Qua, inquit, fronte, vel quibus oculis ihtueberis Christum Crucis affixum? Quo animo ad eius pedes te prosternes, vt beneficium tanti effusi tanguinis postules, nouamque gratiam, si exiguum aliquid aduersi ferre, aut proximi caula agere refugias? Si deinde vno denario vniuersus veniret mundus, nunquid cenneretur amens qui denarium difficulter aut omnino non penderet? Quid igitur restitas! Aut quid auersaris eum qui tibi quidpiam duri imponit? Quando vna tali mortificatione mercari potes Regnum caelorum? Quidni potius gratias agis, cum denariū tibi porrigit quo gloriam coēmas immortalem? Cum verò Deus vitam suam pro te dederit, omnium Angelorum vita pretiosiorē, quid magnopere fecisse existimandus es si eis caula & amore vitam tuam offeras, quæ vmbra vita potius cenlenda est esse quam vita?) Hæc fuere Southwelli excelsæ sublimelque cogitationes, quibus cum diuinitus armatur instruētumque intelligamus, nemō iurē mirari poterit, eādem dextera ad Martyrij palmam euerētani, quā à teneris tam accensis desiderijs & conatibus inflammatum perspexerit: huiusmodi verò pluta ex eius aduersarijs excerpti potuissent, si vitam moitemque per se illustrem, pluribus ornare necesse fuisset; videamus nunc porro, quā luce constantiae cæterarumque virtutum eodem anno Septentrio fuerit illustrata.

X X X I I I . In eadem Norfolcierium Prouincia, honesta est & antiquitate illustris familia *VValpolorum*; Hac ortus *Henricus Martyrij* gloriam splendori luæ gentis adiunxit, primogenitus multarum prolium; parentibus natus quos cum multi nobilitate anteirent, vincisse illi à nemine voluerunt excellentiæ Religoniæ & Christianæ pietatis. Cum lacte igitur hausit *Henricus* Catholicam fidem & motum innocentiam, quam grandior factus tanta ornauit moderatione, & prudentia, vt fratribus reliquis parentum loco fuerit: Tres matuē educatos ē Patria ad Societatem suo deinde traxit exemplo; Quattuor sub Rege Catholico militantem vidit. Post prima Latinitatis rudimenta missus Cantabrigiam, simul Philologis audiendis, simul linguarum scientiæ quatuor annos impendit: Tum ad iuris municipalis cognitionem translatus Londinum, vt erat acri ingenio, & Catholice fidei egregius cultor, quæstoriis quæ ab Hæreticis controvenerint non minus operæ tribuit,

*Henrici
VValpoli
natales &
educatio.*

C c

tribuit,

1595.

tribuit, quam legum studio, tanto pij conatus fructu, vt cùm sibi soli non studeret, exiguo tempore viginti ad Catholicam partem addiderit; quorum alij ad Seminaria profecti, alij strictiorem viuendi rationem fecuti, alij domi in fide firmi atque constantes, Religionem quam eius hortatu amplexi sunt amplificarunt; quanquam non magis hortatione aut scientia, quām exemplo vita profuerit, sine quo & hortatio languet, & scientia plerumque contemnitur: Quo tempore *Campianus* in Arce cum Heterodoxis de fide dilectabat, ipse interfuit; adfuit etiam cùm de capite diceret, & cùm pro suscepso Sacerdotio moreretur: Notauit in erecto animo, demissionem; in aperita de Hæreticis victoria, modestiam; ad maledicta & contumelias immotum animum; fortē in patiendo, moriendo inuictum; quas in eo virtutes cùm admiraretur, ad eius sequendum institutum non leuiter se sentiebat impelli: Id primam ei mentem iniecit relictā patriā alias ut terras quaereret in quibus huīusmodi vitæ rationem florere intelligebat. Quam deinde mentem iuuit Hæretici Magistratus indignatio, commota primum carmine quo *Campiani* felicem exitum celebrarat; tum ad aures perlata industria in orthodoxæ fidei assertionibus propugnandis, atque in primis quā in affine quodam suo abducendo ab Hæreticorum commercio adlaborasset. Erat is *Edwardus VValpolus*, parente natus diligentissimo purioris Calviniſmi lectorate; quam lectam *Edwardus* non minus altè quam parens imbibera, primus inter filios parenti carissimus. Huic *Henricus* pro antiqua ab incunabulis conluctudine proq[ue] iuuenis lato ingenio, & innato animi candore, cùm optaret quām maximē rectum iter ostendere, obstabat hausta à teneris impietas, domestico firmata exemplo, parentum fota obseruantia, legum etiam munita severitate; quæ tam difficultem nouæ luci dabit aditum, vt annis duobus tenuerit bellum, modò familiari gestuū sermone, modò communicatis scriptis, modò ostensis libris, quos inter præcipui erant Confessio Augustiniana, & Thomæ à Kempis libellus de Imitatione Christi: In illo perspiciebat tanti Doctoris consentientem cum Catholicis sententiam; in isto mirabatur viri (vt tum existimabat) nimium superstitionis solidam pietatem: Accessit & Fulci, suæ lectæ hominis, in responsione ad *Alani* Cardinalis librum de Purgatorio, omnium antiquorum Patrum familiaris Hæreticis contemptus. At optatum certamini finem posuere literæ ab *Henrico* acceptæ; quæ quo argumento, quoé ardore scriptæ fuerint, quanquam non memoratur, eam vim habuere, vt cùm mensæ assidenti *Edwardo* traditæ essent, confessim surgenti atque in conclave se abdenti multis oboris lachrymis omnem de Catholicæ fide amplectenda dubitationem, metum omnem abstulerint, qui nè in leges, aut in parentes offendere, detinuerat. Salutem Filij parentes tam ægro tulere animo, vt de cognato quererentur apud Senatum Regium: Fugiendum igitur *Henrico* fuit nè literis Leicestrij, Cecilij, VValsinghamij, & Cobbam obnoxius, daretur in carcerem:

Et domi

Campiani
exemplum
mouetur
ad Societatem
incundam

Edwardi
VValpoli
conuersio.